

為施資
讀誦 回向偈曰

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
一切助成人 輾轉流通者
現眷咸安樂 先亡獲超昇
風雨常調順 人民悉康寧
法界諸含識 同證無上道

名山遊訪記

佛曆式伍叁玖年（西曆一九九五）
歲次乙亥年四月初八日
釋迦牟尼佛聖誕日敬印肆萬本

普贈各界 廣結善緣

▲ 非賣品 ▲

著作者 高 鶴 年 居士
印贈者 隱 名 氏
承印及 藏版者

出版者：上海佛學書局
地址：常德路418號
郵編：二〇〇〇四〇
印刷者：共和彩印廠
上海市新聞出版局准印證94第158號

名山游访记目录

卷一

由湖州经九华白岳至黄山天目山游

访记

由杭州经雁荡转天台各游访记

由普陀至天台各游访记

由终南经栈道入川至峨嵋山游访略

记

峨嵋山游访记

卷二

金陵京口诸山游访略记

天津北京游访略记

五台山游访记

山西诸山游访略记

陕西诸山游访略记

终南山经冬略记

长安游访略记

西岳游访记

由陕西至武当游访略记

卷三

由沪至匡庐游访略记

武汉游访略记

京汉道上游访略记

五台山游访记

由五台至南岳道经鄂湘游访略记

卷四

南岳游访记

由南岳回沪经湖南游访略记

普陀山游访记

北京上方山涿州白带山各游访记

由北京张家口往北岳恒山游访略记
由北岳经五台太华回终南山游访略记

由终南山往京津勘灾放赈回终南略记

卷五

灌云县云台山及沿海诸岛各游访记

由云台经劳山至岱岳各游访记

由泰山往孔林游访记

九华山游访记

卷六

从广州三水至鼎湖山游访记

广州往曹溪游访记

由香港经安南至云南鸡足山游访记

罗浮山游访记

卷七

沌门杯渡山游访记

天台雁荡二山游访记

由九华至黄山游访记

云居游访遂至匡庐记

潮州韩山游访记

附参访事实略记

从海州春赈毕往嵩山游访记

由庐山往南昌西山朝云居礼四五祖记

记

由淮安经扬镇过宝华朝大茅山记

由大茅山经磬山龙池经白雀山至杭州记

州记

由圖山经惠泉灵岩邓尉洞庭山游访记

记

湘南放赈顺礼衡山回往九华游访记

名山游访记卷一

高鹤年撰

许止净参订

余了翁校阅

由湖州经九华白岳至黄山各游访记

光緒二十年甲午三月初十日。天气晴和。游道场山万寿寺。岩谷清幽。秀出云表。开
山者伏虎禅师。中有龙池如镜。岭上有塔五级。登临遥观。太湖汪洋一片。湖州即在
眼底。顷刻风起。云涌。瀰漫不见。白云本是无心物。却被清风引出来。如身境根尘。本
无一物。由无明风动。能见能现也。下山十里。湖州府位居太湖东南。进南门。出青铜
门。朝礼观音山。松竹载道。白雀寺在焉。寺宇宏大。香火甚盛。十一日出西门。乘夜
行船。三十里。四安塘。五十里。顺林桥。舟中客谈。世人知求利之害。而不知好名为害
尤甚。利害粗而易见。名害细而难知。若有暗室亏心。神目如电也。言次到岸。十二

日黎明。上岸陆行。四十里思安镇。五十里广德州宿。途中多山。十三日微雨。五十里四吉渡。十里分界山。雨止天晴。四十五里红陵桥宿。十四日。二十里金丝冈。四十里宁国府。四十里寒亭镇宿。十五日。五十里南陵县。二十里峨岭。三十里扬店。铺。二十里公馆驿宿。遇朝山归客数人同宿。谈此生不学一可惜。此日闲过二可惜。一息不来。便成隔世。又言他人骑马我骑驴。仔细思量我不如。回头又见推车汉。比上不足下有餘。劝人随缘过日。努力念佛也。十六日。三十里石庵铺。四十里青阳县。遥观九华诸峰。如青莲九朵。雄据江上。入谷二十五里。九华山脚。二圣帝殿宿。沿途山青水秀。林木幽森。出产颇丰。民众富乐。十七日。五里茂林翠竹头。天门。甘露寺在焉。五里经二天门。半霄亭。龙池庵。坡下二里许。燕子洞。有羽士肉身像。仍回大道。过望江亭。三天门。经太白堂。参拜化城寺。左右庵堂林立。寺前放生池。两旁街市。店铺约三四十家。秋后朝拜人多。香会最盛。群山围绕。苍松翠竹。秀溢云岚。其中美田千顷。出产颇丰。里许上坡。经上禅堂。正天门。王灵官殿。据云灵感非常。过者心惊。

胆怯。西转折北。为十王殿。殿后上壁陡石。级八十一层。即真身殿。中奉地藏菩萨肉身。四面刊菩萨像。诸众礼敬。僧谈唐时新罗国王子。航海来山。挂锡于此。相传为地藏菩萨化身。大士有誓云。众生度尽。方证菩提。地狱未空。誓不成佛。故称大愿菩萨。是夜守塔敬礼通宵。十八日晨。与云水僧数人下坡。至饭店餐毕。上坡。经松竹道。五里东崖禅寺。为十方丛林。传地藏在此结茅修道处。石上有足迹在焉。峰顶东南行。经观音峰。四围老干。中夹修竹甚茂。三里上而复下。至百岁宫丛林。敬礼百岁公真身。拜毕。出后门。经林间。过砂岗。小道崎岖。三里许下坡。右行山坳中。岩壁间有一小洞。名曰伏虎洞。外有庵数楹。内住一僧。上有怪石。登梯而上。长江如带。大通即在目前。静坐二。三小时。至暮下来。十九日。仍过山冈。五里。经观音洞。至祇园寺。亦四丛林之一也。敬礼各殿。并参肉身和尚。仍返礼真身塔。二十日大雨。时有朝山僧五。六人守塔。某师开示云。我等凡夫。福薄孽重。故要志心礼佛。磨炼身心。忏悔多生孽障。增长善根。由此发意。先朝齐云黄山。再礼南海天台。二十一日。五里。经竹林。

出山冈。至回香阁。对面小天台山。诸峰峻拔。障蔽南天。三里下坡。闲园产竹松杉木。茶尤佳。拾级而上。经华云慧庆庵。朝阳洞。翠云庵。约十二里。拜经台。时逢猴来讨吃。僧由窗中掷食。群猿争拾。一奇观也。当家昌光有道。开示云。幼年发心。希有之事。必须。要真参实学。不作虚头。依明师指导而行。始终一如。切忌有名无实也。感师时常开示。留住数日。尝往峰头打坐。访观音堂狮子洞。猷春师。机锋敏捷。道生洞。谈空师。苦行超群。菩金师。专心净土。一柯松。普法师。苦参禅宗。文殊洞。如真师。宗教皆通。虽不如善财南参。即参即证。而亲近善知识。受益不浅也。二十九日。复往肉身塔。敬礼通宵。至次朝。红日升天。仍回拜经台。时有人求道。师教切勿贪名图利。攀尊希贵。惟一心学道。久久自能扬眉吐气云云。

四月初二日。辞别。陡上三里。小天台顶。路绝人径。下坡。沿黄幽溪。循冈背西南行。经八里涧。知津云。此路羊肠鸟道。险恶难行。荒草中见野兽。数头跃去。不知何物也。陡下三十里。山麓陵阳镇。午餐。再行五十里。两岸皆山中。有一溪水。出青阳入龙江。沿

溪而上。有乌炭河。河中皆乌石故也。上琉璃岭。严关寺。五里柳家渡。二十五里桃岭。宿五更时。有客侣早行。余随之行。约里许。闻猿呼啸。前一人退回云。我之凉帽担子。被猴抢去。于是皆不敢进。俟天色大明才行。至岭头。见有空担。物件不知去向也。初三日。五十里羊栈岭。四十里黟县宿。初四日。三十里渔亭镇。二十里岩脚。即齐云山麓。又名白岳。山中岩石多绿色如翠。七里榔梅庵。茂林蔽道。直上三里。经水珠帘水。从山壁下如珠帘。故名。沿壁折向太符房。羽士接入。止宿楼上。羽士谈祸福无门。惟人自召。善恶之报。如影随形。人能信祸福。亦可相安无事矣。初五日。山中大雨。午后雾散。云消。出门至太素宫。前临悬崖。背倚圆屏。左右钟鼓峰。大殿中供元天上帝像。庭有明碑。细观门前深崖大壑之中。一峰突起。名曰香炉峰。上有铁链。攀之可登。左行舍身崖。紫霄岩。西去三姑峰。展旗峰。狮象峰。五老峰。笔架峰。峰皆峻拔。玲珑。见之足以悦目赏心。由山坳中渡芙蓉桥。出西天门。二十里欲往双溪观。石桥龙涎泉。龙井等胜。见山雨欲来。作罢而返。初六日。再登。约七八里许。独耸寨。相传。

方腊寨四面凌空。非梯莫登。大雨一阵。不及躲避。拖泥带水。归来午餐。初七日。出游天门。从天梯下崖壁。至壑之深处。为罗汉洞。深十余里。沿岩飞瀑如帘。雨后更盛。悬岩尽处。有天门。高丈许。宽约四五尺。石刻颇多。内有两江总督高某诗云。千里迢迢得大观。天门一望入云端。因志在访道。不在游山玩景。故诗不详记。是晚羽士谈云。暴怒伤人。伤己。和平容我容他。躁急多生荆棘。忍耐事后无差。佛门戒嗔尚忍。道教亦同也。初八日下山。十里岩脚。三十里虎岭。望黄山诸峰。如阵云横于天际。三十五里江村。十八里汤口。宿循溪而上。适有浴客三人。谈上有桃花洞。石应孙诗。桃花五色四时开。片片香随涧水来。况是轩辕曾手植。紫云深处有楼台。十里经汤泉。急流奔腾。倒灌有声。近慈云路上。数十步。至甘露门。有紫云庵。当家性海上人接待。饭毕。先入温汤洗浴。池底有朱砂石。水如珍珠。滚滚而上。故名朱砂泉。蒸气如云。又曰蒸云泉。上盖长亭。下造一孔出水。流去垢腻。其水澄清莹澈。味厚且美。无硫磺气。深三尺许。长丈余。侧有冷水池。水温。和洗濯更宜。并云能去百病。余意求性水澄清。

去我心病也。浴毕。度小补桥。有寺破败。唐名古汤院。宋改名祥符。住二僧。一人来引余观狮子峰。虎头岩。水濂洞等。日夕回紫云庵。海师劝余出家。余云自愧无道。不能为僧。恐坏法门。罪过不轻。师开示云。自身有病。自身知心病。还将心药医。心境静时。身亦静。心生还是病中时。谈至夜深始寝。次朝微雨。主人留息。师谈黄山多猴。人独行。者猴得而侮之。又多狼。遇人则避。有小青蛇。盛夏时自悬竹木上。人行林中有被啮者。有松鼠。黑背白腹。其行如飞。更有山牛。山羊。豪猪等。豪猪毛如簪。能发之。射人。闻师与客谈云。事到无心。皆可乐。人非有品不能闲。十一晨拜别登山。沿路溪声。山色大有山阴道上应接不暇之势。三里诸峰排列。朱砂庵在焉。额曰慈光寺。背倚朱砂峰。前环池沼。古基宏大。明普门大师开化之地也。中有毗卢殿。中奉七级铜塔一座。名曰千佛绕毗卢。明神宗颁赐。殿后一钵泉。甘美可供千僧。厨房二十餘间。主人雪领谈。国初山中草木深茂。虎豹纵横。非数十人不敢行。此山无主峰。横叠岩峽。各自为尊。异于泰华武当诸岳。然登至莲华顶。始知山河及大地。全露法王身。

十二日。师再留住。谈山中历代仙佛颇详。十三日。叩别出寺。左上。仰见群峰罗列。天都莲花独立其上。后经大士塔。礼毕而行。三里。见群猴呼跃而去。乃由乱石间。转入石洞中。蜿蜒而上。朱砂峰落于杖底。七里。森林荫蔽。天光盘旋。上天门坎。走云巢。度小心坡。经仙桥。一线天。蓬莱岛。穿窟登岩。天都直冲霄汉。山径愈险愈奇。杂以怪石奇松。天然图画。出洞上坡。文殊院。殿宇三楹。四围石崖如椅。前有文殊台。住持下山。真慧师招待。饭毕。师引观左狮右象两石。天都院背玉屏峰。前临绝壑。雾气渐浓。微雨随至。留连数日。师云。黄海亦文殊道场。山气雄而不聚也。十六日。晓起。天朗气清。云海千里。一片汪洋中。现峰峦数点。活泼生动。一大观也。饭毕。同游莲花峰。经大小阎王壁。面壁蟹行。上观音岩。天门莲花沟。约三里。至莲花峰顶。平周数丈。如花叶形。岩壁皆有万年松。尺许至数寸不等。峰中有峡。石磴为梯。仅受足尖。奇险非常。盘折而登。是时白云弥漫。一无所见。下山腰有莲花庵。久圯。师于此购杉板。遮盖其上。邀余同住。余喜甚。约朝罢。即来。师引登百步云梯。循壁行。下临绝壑。缓步出鳌鱼。

洞。叠。嶽。环。抱。其。中。旷。荡。周。约。十。数。里。在。绝。顶。上。辟。一。平。陆。从。此。南。行。皆。土。荡。产。芦。为。前。海。由。北。行。冈。背。上。下。四。五。里。达。天。海。平。天。砦。古。有。茅。庵。今。一。无。矣。南。为。前。海。北。为。后。海。砦。为。中。心。最。高。处。若。平。地。远。望。即。光。明。顶。如。海。中。一。岛。耳。四。面。皆。坞。空。旷。清。幽。松。下。怪。石。石。上。奇。松。约。六。七。里。许。经。松。竹。丛。中。转。过。山。坡。入。狮。子。林。万。松。环。绕。老。干。如。伞。遍。满。山。中。一。派。幽。清。之。境。又。一。洞。天。也。至。狮。林。精。舍。当。家。接。入。是。晚。畅。谈。本。舍。开。山。祖。师。一。乘。于。始。信。峰。筑。一。斗。室。静。坐。其。中。并。言。古。时。前。后。海。坞。中。静。室。颇。多。道。风。大。振。今。则。希。少。矣。并。谈。禅。净。不。分。应。无。所。住。名。莲。土。才。有。纤。尘。号。境。风。但。学。者。当。知。执。持。名。号。忆。佛。念。佛。不。可。谓。着。尘。亦。不。可。云。有。住。无。住。而。住。住。即。无。住。则。了。解。禅。净。不。分。矣。十。七。日。至。清。凉。顶。再。观。云。海。午。后。经。坞。中。里。许。有。奇。石。生。怪。松。名。曰。梦。笔。生。花。里。许。穿。丛。出。断。岩。深。不。可。测。有。石。横。上。谓。之。仙。人。桥。旁。有。一。松。如。栏。度。过。彼。岸。名。曰。始。信。峰。有。石。刻。字。曰。诸。天。变。相。并。有。丽。田。生。弹。琴。处。寒。江。子。独。坐。等。字。余。碑。记。多。模。糊。不。能。辨。放。眼。四。顾。诸。峰。拱。立。嶙。峋。幽。秀。而。石。笋。砦。最。奇。最。胜。莫。可。名。言。仍。

返狮子林。师谈归元无二路。方便有多门。末法之中。去圣时远。惟有净土一门。极稳极捷也。二十一日。师同往松谷庵。经说法台下坡。乱峰间。奇松怪石。触目豁心。十五里。深林中。兰花散馥。即松谷旧址。五里松谷庵。为宋张尹甫修道处。僧引玩青龙潭。下即白龙潭。瀑水流注。有石中凹。名油锅。近石缝中。有水流出名曰油榨。其下名油潭。循壁行。苍翠中。约二三里。芙蓉洞。茶园。礼开山塔。并观老人峰。铁线。老龙潭。诸胜。上有涧水。自西来。绕庵前而出。二十二日。返狮子林。当家谈。唐时有麻衣祖师。中和二年。卓锡翠微峰下。为开山之祖。历代高僧颇多。过午。随师至莲花蓬住。每日二餐。寻野菜和食。终朝常至峰头静坐观心。一日坐莲花峰顶。远眺千峰罗列。长江若一白线。北望九华。南观天台。东睹天目。西瞻白岳。如阵云朵朵。障于天壁。其下云如大海。波涛澎湃。即所谓山海大观也。一日师坐峰头。余造饭熟。上顶请师用斋。师入定。鼻有两道白毫。与峰下云雾相接。余一见惊奇。念弥陀一声。师答佛一声。白毫不见。细思之。或风气动荡关系也。一日至莲花峰顶。打坐至午。师造饭熟。呼余吃饭。

放眼一看。见杲日当空。白云层层在下。惟莲花峰独露其上。人似踊身虚空。四围一片汪洋。诸峰不见。顷刻微风吹动。云雾渐升。一层层上至峰边。砥柱中流似水。视之山峰似动。其云不动。古有公案曰。人从桥上过。桥流水不流。所谓幻妄称相也。余在峰颠。经行云亦随之。余下石磴。云亦随下。皆风气鼓动而行也。师下山多日未回。连日阴雨。忽下雪寸许。满山玉柱冰花。奇寒难受。师尝谈山居生活。岩上卧。云雾为被。我不恶。峰头住。饱餐烟霞。我不苦。岭上坐。念念直往无生路。山中行。脚踏着本来人。一日师归来。云恐大雪封山。绝粮。天寒难受。我等同往天目。经冬最妥。次晨。师云。今天天霁。快行。否则再雪封山。我等将为饥殍。饭毕出蓬。冰天雪地。寒风烈烈。经鳌鱼洞。雪中有大小兽足迹。颇多。十五里光明顶。转折而下一路琪花玉树。大好雪景。十五里丞相源。有丞相墓。传宋丞相程元凤读书处。又云陶学士栖隐处。江丽田琴台。并墓诸胜。皆埋雪中。不能往。至掷钵院。时已午后。师恐再雪。即行一路兰花送香。转折渡溪。夹道两岸。树木林立。水声潺潺。冷风萧萧。前即九龙潭。瀑声如雷。纡回越

溪即见崇山壁上。飞瀑千仞。如白布蜿蜒而下。名曰九龙瀑。下有九潭。名曰九龙潭。经苦竹溪。俗乎三岔。沿岸居有人家。共约十五里。抵汤口宿。盖冬月初四日矣。师谈除十恶。修十善。世间法即出世法也。初五日。九十里。纯行山岭中。一巨石上稍息。师谈相识满天下。知音能几人。若人静坐不用功。何年及第悟心空。至箬岭界山宿。师谈佛言。人有过而不自忏悔。罪来赴身。如水归海。渐成深广。若人有过。知非改行。罪自消灭。如病得汗。渐次痊可。初六日。天微雪。行山峡中。四十里。朱柳道中。师说道人见欲必当远离。如被干草。火来须避。三十里。白日桥宿。初七日。十里。昌化县。十八里。太阳桥。十八里。方圆铺。三十里。藻溪。二十里。化龙铺宿。初八日。十里。凌村铺。即钱王朝。十里。凉亭。西市。十里。西天目山。树木萧森。老干参天。寺在其中。额曰禅源寺。登山礼祖师塔院。有玉琳国师塔。中峰国师塔。狮子口高峰祖师塔。并览西方岩龙潭诸胜。禅源寺为浙省第一丛林。规模宏大道风亦盛。内住二百餘僧。师住此过冬。是晚师讲古人心地未通。不远千里。求师问道。既得真师。就久亲近。终成大器。

万万不可甘愚守拙。白首无知。又叮咛云。顿舍万缘。一心求道云。初九日叩别。二十五里。峰岭峻拔。松竹并茂。即东天目山上约五里。昭明寺护法韦驮道场。天下皆是立形。惟此是坐像。乃梁昭明太子读书处。并分金刚经三十二份分经台。至今犹存。途遇一师云。世有名成而学不成者。有学成而名不成者。世间多是名利法。我等学道人。万万不可为名利所转也。余答饥寒由他逼。名利不关身。言次与师分道矣。

